

29.05.2025

Священник: Мир всем.

Чтец: И дѹхови твоємѹ.

Диакон: Премѹдрость.

Чтец: Прокимен, глас 7: Вознесися на небеса Боже, / и по всей земли слава Твоя.

Лик: Вознесися на небеса Боже....

Чтец: Готово сердце мое Боже, готово сердце мое: воспою и пою во славе моей.

Лик: Вознесися на небеса Боже....

Чтец: Вознесися на небеса Боже.

Лик: и по всей земли слава Твоя.

Диакон: Премѹдрость.

Чтец: Деяний святѹх Апѡстол чтѣние.

И паки диакон: Вѡнмем.

Чтец: Первое убо слово сотвори о всех, о Феофиле, яже начат Иисус творити же и учити даже до дне, воньже, заповедав апостолом Духом Святым, ихже избра, вознесся. Пред нимиже и постави Себе жива по страдании Своем во мнозех истинных знамениях,

днемъи четьредесѣтьми являясь им и глаголя яже о Царствии Божии: С нимиже и ядый, повеле им от Иерусалима не отлучатися, но ждати обетования Отца, еже слышасте от Мене: Яко Иоанн убо крестил есть водою, вы же имате креститися Духом Святым не по мнозех сих днех. Они же убо сошедшеся, вопрошаху Его, глаголюще: Господи, аще в лето сие устрояеши царствие Израилево? Рече же к ним: несть ваше разумети времена и лета, яже Отец положи во Своей власти. Но примете силу, нашедшу Святому Духу на вы, и будете Ми свидетелие во Иерусалиме же и во всей Иудеи и Самарии, и даже до последних земли. И сия рек, зрящим им, взятся, и облак подъят Его от очию их. И яко взирающе бяху на небо, идущу Ему, и се мужа два стаа пред ними во одежди беле. Яже и рекоста: мужие Галилейстии, что стоите зряще на небо? Сей Иисус, вознесыйся от вас на небо, такожде приидет, имже образом видесте Его идуща на небо. Тогда возвратишася во Иерусалим от горы нарицаемая Елеон, яже есть близ Иерусалима, субботы имущия путь.

(Зач. 1. Деян.1:1-12)

Священник: Мир ти.

Чтец: И дѹхови твоємѹ.

Диакон: Премѹдрость.

Чтец: Аллилѹиа. Аллилѹиа. Аллилѹиа, глас 2.

Лик: Аллилѹиа. Аллилѹиа. Аллилѹиа.

Чтец: Взыде Бог в воскликновении, Господь во гласе трубне.

Лик: Аллилѹиа. Аллилѹиа. Аллилѹиа.

Чтец: Все языцы воспещите руками, воскликните Богу гласом радования.

Лик: Аллилѹиа. Аллилѹиа. Аллилѹиа.